

Малоикаларнинг номлари

[Ўзбекча – Uzbek – الأوزبکي]

АБДУЛҚАЮМ АБДУЛҒАФФАРХОН ЎГЛИ

Нашрга тайёрловчи: Шамсиiddин Дарғомий

2011 - 1432

IslamHouse.com

﴿ أَسْمَاءُ الْمَلَائِكَة ﴾

« باللغة الأوزبكية »

عبدالقيوم بن عبد الغفار خان

مراجعة: شمس الدين درغامي

2011 - 1432

IslamHouse.com

بِسْمِ اللَّهِ الرَّحْمَنِ الرَّحِيمِ

Бисмиллахир роҳманир роҳим

الحمد لله رب العالمين، والعاقبة للمتقين، ولا عدوان إلا
على الظالمين، والصلوة والسلام على سيدنا محمد، وعلى آله وصحبه
أجمعين، وبعد:

Фаришталар номлари

Фаришталар номлари Қуръони карим ва саҳиҳ хабарларда умумий ва батафсил шаклда келган. Фаришталарнинг Қуръонда мужмал-умумий шаклда келган номлари қуидагилардан иборат:

** *Малоика, яъни фаришталар.* Оллоҳ таоло айтади:

- «Кимки Оллоҳга, фаришталариға, китоблариға, пайғамбарлариға ва охират

кунига ишонмаса, демак у қаттиқ адашибди».

** *Жунуд* – қўшинлар. Оллоҳ таоло айтади:

- **«Парвардигорингизнинг қўшинларини** (яъни фаришталарнинг қанча ададда ва қандай сифатда эканликларини) **ёлғиз Оллоҳнинг Ўзигина билур».** (Муддасир 31).

** *Ал-Аиҳад* – гувоҳлар. Фаришталар қиёмат куни одамларнинг қилган амалларига гувоҳ ўтадилар. Шу боисдан, уларни Оллоҳ "Гувоҳ"лар, деб атади. Оллоҳ таоло айтади:

- **«Албатта Биз пайғамбарларимизга ва иймон келтирган зотларга ҳаёти-дунёда ҳам, гувоҳлар** (фаришталар ҳозир

бўлиб) турадиган Кунда ҳам ёрдам берурмиз». (Фоғир 51).

** *Ал-малаъул-аъло –фаришталар.*

Фаришталарнинг бир номи Ал-малаъул-аъло эканлиги ҳақида хабар бериб Оллоҳ таоло дейди:

«Мен учун (Одамнинг ер юзида халифа қилиниши тўғрисида Оллоҳ таоло билан) **тортишаётган фаришталар ҳақида ҳеч қандай билим йўқ эди».** (Сод 69).

Қуръон ёки суннатда номи зикр этилган фаришталар

Қуръон ва сахих ҳадисларда Оллоҳ таолонинг муқарраб бандалари бўлмиш фаришталардан бир қанчасининг номлари ва улар ижро этадиган амаллар ҳақида батафсил хабар берилган. Қуръон ёки сахих

ҳадисда **Жаброил**, **Микоил**, **Исрофил**, жаҳаннам ходими бўлмиш **Молик**, **Мункар**, **Накир** ҳамда **Хорут** ва **Морут** фаришталарнинг номлари зикр этилган.

Жаброил фаришта.

Бу фариштани Оллоҳ таоло Қуръони-каримда "Рух", "Рухул-Амин" ва "Рухул-қудус", деган номлар билан атаган.

Жаброилнинг юқорида зикр этилган номлари қайд этилган оятлар ушбулардир: Оллоҳ таоло айтди:

«Фаришталар ва Рух (яъни Жаброил) микдори-узунлиги эллик минг йил бўлган бир Кунда У зотнинг хузурига кўтарилиур». (Маориж 5).

«(Эй Мұхаммад), уларга Қуръонни "Рухул-Қудус" (яғни Жаброил) Парвардигорингиз тарафидан иймон келтирған зотларни событ қадам қилиш учун мусулмонларга ҳидоят ва хушхабар бўлган ҳамда хаққирост нозил қилинганини айтинг». (Наҳл 102).

Оллоҳ таоло айтади: «(Эй Мұхаммад), сиз (охират азобидан) огоҳлантирувчилардан бўлишингиз учун қалбингизга уни (яғни Қуръонни) Рухул-Амин" (яғни Жаброил) очиқ-равшан арабий тил билан нозил қилди». (Шуаро 193-195).

*** **Микоил** фаришта. Бу фаришта ҳам Қуръонда номи зикр этилган улуғ фаришталарнинг биридир.

Оллоҳ таоло айтади: «**Ким Оллоҳга, Унинг фаришталарига, пайғамбарларига, Жаброил ва Микоилга душман бўлса, бас, албата Оллоҳ (бундай) кофирларга душмандир».** (Бақара 98).

*** **Исрофил** фаришта. Бу улуғ фаришта номи саҳиҳ суннатда келиб, жаноб Росулуллоҳ саллоллоҳу алайҳи ва саллам дуоларида Жаброил, Микоил ва Исрофил каби Оллоҳ таолонинг улуғ фаришталарини ўртага қўйиб, қўйидаги дуони айтганлар: "*Илоҳим, Жаброил, Микоил ва Исрофил* (фаришталарнинг) *Парвардигори, осмонлар ва ерни яратган, гойбу шаҳодатни билувчи зот.....*". (Муслим).

*** "**Молик**" фаршита. Бу фаришта дўзах ходими бўлиб, унинг жаҳаннам

ходими экани Қуръонда қуидагиңа хабар берилған:

Оллоҳ таоло айтади: «**Улар** (коғирлар, дүзах ходими бўлган фариштага) "Эй Молик, Парвардигоринг бизларга Ўз ҳукмини қилсин", деб нидо қилганларида у: "Албатта сизлар (мана шу азобда мангу) тургувчи дарсизлар" - деди». (Зухруф 77).

*** **Мункар** ва **Накир** фаришта. Қабрдаги савол жавобни олиб борувчи бу икки фаришта "**Мункар**" билан "**Накир**"нинг номи имом Термизий ривоятида келиб, унда жаноб Росулуллоҳ саллоллоҳу алайҳи ва саллам шундай деганлар: "*Бирларингиз қабрга киритилгандан сўнг, унинг ҳузурига ранги рўйи қўқимтири қора бўлган икки фаришта ташриф буюради.* Уларнинг бирининг

номи Мункар, яна бириники эса Накирдир". (Термизий ривояти).

*** **Хорут ва Морут** фаришта. Бу икки фаришта Куръонда хабар берилганидек одамларга сехр илмини ўргатиб, уларни синаш-имтиҳон қилиш учун ер юзига туширилган икки фариштадир.

Оллоҳ таоло айтади: «**Ва Сулаймон давридаги шайтонлар** (жинлар) **айтган нарсаларга** эргашадилар. Сулаймон коғир эмас эди, балки одамларга сехр ўргатадиган шайтонлар коғир эдилар. Ва **Бобилдаги Хорут ва Морут** номли фаришталарга тушурилган нарсаларга эргашадилар. **Холбуки,** у фаришталар: "Биз фақатгина фитнамиз (яни одамларни алдаб имтиҳон қилиш учун юборилганмиз) **бас,** (биз айтган нарсаларни

қилиб) коғир бўлиб қолма", демасдан туриб ҳеч кимга ҳеч нарса ўргатмас эдилар». (Бақара 102).

Юқорида зикр қилинган фаришталар, номлари Қуръон ёки саҳих суннатда келган фаришталардир. Қуръон ёки саҳих суннатда номи келмаган фаришталарнинг ҳаммасига умумий-мужмал тарзда иймон келтириш ҳар бир мўмин зиммасидаги вожибdir. Номлари Қуръон ёки саҳих суннатда зикр этилмаган фаришталарни қандайдир номлар билан номлаб олиш аҳли суннат эътиқодида ножоиздир. Зеро, икки манбада номлари зикр этилмаган фаришталарнинг номлари ва саноғи Парвардигорга қоронғу эмас, алабатта. Оллоҳ таоло айтади:
«Парвардигорингиз қўшинларини (яъни фаришталарни қанча ададда ва қандай сифатда эканликларини) **ёлғиз Унинг Ўзи**

билур. У фақат инсонлар учун бир эслатмадир». (Муддасир 31)..